



Broj: 05/2-11/3-1881/26
Velika Kladuša, 11.08.2026. godine

Na osnovu člana 69. i člana 2. stav (1) tačka l) Zakona o javnim nabavkama BiH („Službeni glasnik BiH“, broj: 39/14, 59/22 i 50/24) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku robe – Ogrijevni pelet za potrebe Općine Velika Kladuša, Općinski načelnik Općine Velika Kladuša, donio je

ODLUKU **o poništenju postupka javne nabavke**

1. **Poništava se postupak** javne nabavke pokrenut donošenjem Odluke o pokretanju postupka javne nabavke broj: 05/2-11/3-1881/26 od 22.06.2026. godine, te Obavještenjem broj: 299-1-1-56-3-106/26 objavljenim na stranici Agencije za javne nabavke dana 24.06.2026. godine, tip postupka otvoreni – postupak za nabavku robe – Ogrijevni pelet za potrebe Općine Velika Kladuša, Općinski načelnik Općine Velika Kladuša.

2. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

O b r a z l o ž e n j e

Na osnovu Odluke Općine Velika Kladuša broj: 05/2-11/3-1881/26 od 22.06.2026. godine, pokrenut je dana 24.06.2026. godine na Portalu JN broj: 299-1-2-56-3-106/26 postupak nabavke robe – Ogrijevni pelet za potrebe Općine Velika Kladuša.

Javna nabavka provedena je putem otvorenog postupka za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: 299-1-1-56-3-106/26 objavljeno je na Portalu javnih nabavki (ejn.gov.ba), dana 24.06.2026. godine. Procijenjena vrijednost nabavke iznosi : 16.000,00 KM.

Krajnji rok za dostavljanje ponuda bio je 16.07.2026. godine do 14:00 sati, a javno otvaranje ponuda izvršeno je 16.07.2026. godine u 14:15 sati, što je kostatovano Zapisnikom sa otvaranja ponuda od 16.07.2026. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-1881/26 od 16.07.2026. godine konstatovala je da je Tendersku dokumentaciju preuzelo 11 (jedanaest) ponuđača, a da nakon isteka krajnjeg roka za dostavljanje ponuda, za nabavku robe – Ogrijevni pelet za potrebe Općine Velika Kladuša pristigle su dvije ponude.

Prvorangirani ponuđač „**BIOCONCEPT**“ d.o.o. Novi Grad, je u roku od 5 (pet) dana nakon prijema Odluke o dodjeli ugovora, bio obavezan da, u skladu sa uslovima definisanim tenderskom dokumentacijom, dostavi dokaze iz člana 45. Zakona o javnim nabavkama BiH. Do isteka ostavljenog roka za dostavu navedene dokumentacije, ponuđač nije dostavio potvrde iz člana 45. Zakona o javnim nabavkama BiH.

S obzirom na to da ponuđač „**BIOCONCEPT**“ d.o.o. Novi Grad, nije dostavio traženi dokaz o ispunjavanju uslova iz tenderske dokumentacije, nisu se stekli uslovi za zaključivanje ugovora sa navedenim ponuđačem. Shodno navedenom, ugovor se dodjeljuje sljedećem rangiranom ponuđaču – **ENSA BH d.o.o. Srbac**, sa konačnom ponuđenom cijenom od **15.990,00 KM bez PDV-a**.

Članom 72. tačka 3. a) Zakona o javnim nabavkama BiH propisano je sljedeće :

„ (3) Ugovorni organ dostavlja prijedlog ugovora onom ponuđaču čija je ponuda po rang - listi odmah nakon ponude najuspješnijeg ponuđača, u slučaju da najuspješniji ponuđač:

b) propusti dostaviti dokumentaciju koja je bila uslov za potpisivanje ugovora, a koju je bio dužan da pribavi u skladu sa propisima Bosne i Hercegovine.

Budući da je ponuda ponuđača **ENSA BH d.o.o. Srbac**, sa konačnom ponuđenom cijenom od **15.990,00 KM bez PDV-a** odmah nakon ponude prvorangiranog ponuđača na listi prihvatljivih ponuda koju je sačinila Komisija za javne nabavke robe – ogrijevni pelet za potrebe Općine Velika Kladuša., ugovor za nabavku je dodijeljen drugorangiranom ponuđaču.

Odluka o dodjeli ugovora je dana 11.08.2026. godine putem e-maila dostavljena drugorangiranom ponuđaču ENSA BH d.o.o. Srbac, koji je istog dana putem e-maila dostavio obavještenje kojim navodi da odustaje od potpisivanja ugovora, obrazlažući svoje odustajanje promjenom cijena na tržištu.

Članom 69. stav (1) Zakona o javnim nabavkama propisano je: „Postupak javne nabavke može se okončati: a) zaključenjem ugovora o javnoj nabavci ili okvirnog sporazuma ili b) poništenjem javne nabavke.“


S obzirom na naprijed izneseno, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:


Aida Čerimagić

Kontrolisao:
Pomoćnik Općinskog načelnika za finansije,
računovodstvo i javne nabavke


Sebila Dervić-Melkić


OPĆINSKI NAČELNIK


Boris Horvat

Dostaviti:

1. Predlagaču javne nabavke,
2. Služba za upravu, društvene djelatnosti
i zajedničke poslove (web stranica),
3. U spis.